

天一閣藏明代方志選刊

天一閣藏明代方志選刊

青州府志



青州府志序

青自禹貢列九州海岱間



至成周封太公于此號齊國秦罷
侯置郡以來封邑疆域分併割裂
雖間屬徐兗二部而青鎮臨少陽
之方形勝夙稱十二蓋自古重之
矣嘉靖壬戌春憲副洪洞劉君應

時慨青郡久闕志無以章往開來
與郡人叅政馮君惟訥議叶敦請
憲副陳君夢鶴等分類纂輯草具
未及刪訂繼慈谿秦君鈞秉憲飭
戎茲土與太守古鄆杜君思議曰
斯書實一方文獻所徵必傳信哉
微俾有司得以按籍推移嫻於治

理可罷訛積蕪為耶乃呈請

撫巡二臺檄錢判府有威王丞湫
取齊乘及旁摭故籍近事蒐亡闡
隱芟繁訂謠為圖為表為志為傳
附藝文終外傳凡一十八卷既乃以
所採輯者隨事注措之步分野察
災祥稽日食在危度流星出織女

卒應張步慕容氏之竊據所當灼
幾消萌非此類耶登雲門望巨洋
環帶名山大川雖俗隨地易然導
之尊賢則好經術導之功利則喜
夸詐可諉之風土矣乎其地斥鹵
居半賦產瘠薄不能了公家以致
戶口轉徙彼所謂通魚鹽設輕重

以富稱者而何其今不古若也閼
古蹟如檀臺之飲貝丘之畋東鄆
之爭襍穀之會徒為後人指摘惟
倉頡石室所藏經文實肇文字之
原不徒資為翫討而已是故繫聖
賢則師孔孟格景宣者以立政紀
述封建則思鷄鳴肇興而弔其不

終核官績則希范文正富鄭國之
遺澤興學校則陋稷下文學之游
談敘鄉哲則慕房文昭王沂公之
相業而善不遺乎間井秩祀典則
懷晏子之止祀靈山而祭不舉乎
非族峻兵防飭城池置關隘則鑒
宋武之夷廣固懲項公之敗徐關

而險不專恃乎地利至於修公署
建橋梁通驛鋪仁鄉社皆國政所
先明憲具在而陵墓足以表幽寺
觀足以辨術藝文足以資畜雜志
足以索蹟則斯籍也實為經世實
錄詎託之空言矣乎昔季札聞歌
齊風歎曰美哉泱泱乎大風也哉

國未可量也我

神聖御極四十三年值甲子首元文
命敷於天下而青居東藩上下數
千百年時變方畫物土邦制一旦
輯成使事據其實官執其方民守
其度革夸詐之習而至于道非特
齊風所歌而已使季札復生於今

其稱歎當何如也秦杜二君以四
明薛生晨實司編次予督學所識
鑒者特械志來京求序其端予見
其立凡引例足為青郡重又喜得
悉古今顛末視札所聞為詳因樂
道其盛以徵泱泱之風而
國家文運無疆於此亦示其北云

嘉靖四十四年孟夏吉旦

賜進士第光祿大夫柱國

太子太傅工部尚書前都察院右
都御史豐城古和雷禮撰



青州府志序

夫志也者志也方志是事而己欲善之以有所
取義作者之志也青州為志其事則詩書周
禮春秋國語史記管晏諸書君子得以識其大
者其取義則以謂有能紹明世繼春秋本詩書
禮樂之際意在斯乎爽鳩氏邈矣先王經理
天下為父方就國而某人爭管且罷侯置守分

領併隸不常所治何以按藉如指諸掌作二
十有二國典與沿革表爰始賜復自天子命田租
請立挾渭澤之遇漢法王子廢絕半之迄今
親賢隱惟藩屏內司庶長更至迭謝與高國
興抑異矣卿舉里選明經射策之制興焉作
封建職官選舉表熒惑守虛釋冤振老註
關焉山之陽乃詭天是使比論行事不遠明威

作星野災祥志海岱維青州鎮曰沂山淄泥
流惡安得決瓊洛之水汁肥自穢而放于邳
邪比先王親太公批政禮從其俗寬緩闊
達繇之平易中具吾民地重難動搖今自見
采金煮海之徒漸不可長不知我無以制其
命乃惟其俗之耶作山川風俗志鸛鳴犬吠
穀擊肩摩然陰雍長城墜池龍夏三分

之一非穀所生充服其政亦既富強然穀于
燕牧馬于蕃南多山谷登降之萌上斷輪
軸下采杼栗其能望緇海物維錯石登則
田治賦平則產息二者相成以古山海即升
矣立壯冠裳之會入石室探文字之原賢者
亦有此樂矣作石曰田賦物產古蹟志美宅
而官君子所由以基命寧一而出政治之位中

國授室羣羣州安以就間燕言必教義
有社稷焉祝史爲信堯之五吏安用鯢脯靈
山河仙無所爲禱作官署學校祀典志若
稱節制技擊爲之不教而戢出謂怯於衆
閭卻流賊數萬騎亦由人自爲戢議者謂
頑神可城而不可規爲縣蓋以官具則民匱
而險不爲用穆陵之勝是稱四塞閭以稱兵